



Na osnovu člana 70. stav (3) Zakona o javnim nabavkama ("Službeni glasnik BiH", broj: 39/14) i člana 69. Statuta ZD RMU "Breza" d.o.o. Breza, broj: OPU-IP 320/2009, direktor JP Elektroprivreda BiH d.d. – Sarajevo, ZD RMU "Breza" d.o.o. – Breza, u Otvorenom postupku javne nabavke radova "Izvođenje radova u ZD RMU "Breza" d.o.o. Breza na lokalitetu površinskog kopa "Koritnik II", broj: 165-1-3-24-3-24/15 od 27.05.2015. godine, donosi:

Broj: 01-OPK- 9465 /15

Breza, 13.8.2015. godine

## ODLUKU

o izboru najpovoljnijeg ponuđača

### Član 1.

Prihvata se preporuka Komisije za provedbu postupka javne nabavke radova (u daljem tekstu: Komisija) iz Zapisnika o pregledu i ocjeni ponuda, broj: 01-OPK- 744 /15 od 13.8.2015. godine (u daljem tekstu: Zapisnik), i ugovor za Izvođenje radova u ZD RMU „Breza“ d.o.o. Breza na lokalitetu površinskog kopa „Koritnik II“ dodjeljuje se ponuđaču „**BBM Vareš d.o.o. Vareš**“ sa ponudom, broj: 1356/IS/AR/15 od 15.06.2015. godine, kao ponuđaču koji je najpovoljniju ponudu sa cijenom od 5.964.365,00 KM bez uračunatog PDV-a.

### Član 2.

Po pravosnažnosti ove Odluke, ugovorni organ će pozvati izabranog ponuđača radi zaključenja odgovarajućeg ugovora kojim će se regulisati međusobna prava i obaveze vezane za predmetnu nabavku, a shodno zahtjevima ugovornog organa navedenim u tenderskoj dokumentaciji, a u skladu sa zakonskim propisima koji regulišu postupke ugovaranja.

### Član 3.

Odabrani ponuđač dužan je u roku od 3 (tri) dana od zaprimanja ove Odluke, na protokol ugovornog organa, dostaviti originale ili ovjerene fotokopije niže navedene dokumentacije koja je tražena tenderskom dokumentacijom i koja ne može biti starija od 3 (tri) mjeseca od momenta dostave ponude, a kako slijedi:

U skladu sa članom 45. Zakona

- izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan,
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan,
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje,
- potvrde nadležne/ih institucija o uredno izmirenim obavezama po osnovu direktnih i indirektnih poreza.

U skladu sa članom 47. Zakona

- Dokument izdan od poslovne banke ponuđača kojim se dokazuje solventost ponuđača, odnosno dokaz da transakcijski račun ponuđača nije bio blokiran u posljednjih 6 (šest) mjeseci računajući od vremena

predaje ponude. Potvrda, odnosno uvjerenje poslovne banke ponuđača da transakcijski račun nije bio blokiran u posljednjih 6 (šest) mjeseci računajući od vremena predaje ponude.

#### Član 4.

Ova odluka će se objaviti na internet stranici ZD RMU „Breza“ d.o.o. Breza, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav (6) Zakona o javnim nabavkama.

#### O b r a z l o ž e n j e

ZD RMU „Breza“ d.o.o. Breza objavio je dana 27.05.2015. godine na Potralu javnih nabavki Otvoreni postupak javne nabavke radova „Izvođenje radova u ZD RMU „Breza“ d.o.o. Breza na lokalitetu površinskog kopa „Koritnik II“, broj: 165-1-3-24-3-24/15 .

Shodno naprijed navedenom Otvorenom postupku javne nabavke, ugovorni organ je odredio da kriterij za dodjelu ugovora bude „ekonomski najpovoljnija ponuda“ s preduvjetom ispunjenja svih uvjeta propisanih tenderskom dokumentacijom.

Do krajnjeg roka za dostavu ponuda, 22.06.2015. godine, do 11<sup>00h</sup> pristigla je 1 (jedna) ponuda i to ponuđača:


##### 1. **BBM Vareš d.o.o. Vareš.**

Komisija imenovana Odlukom direktora, broj: 01-327/15 od 05.05.2015. godine, izvršila je javno otvaranje i evaluaciju u roku pristigle ponude o čemu je sačinila Zapisnik u kome je konstatovala da je pristigla ponuda zadovoljila zahtjeve ugovornog organa iz tenderske dokumentacije i uputila preporuku direktoru za dodjelu ugovora kvalifikovanom ponuđaču koji je dostavio ponudu te shodno tome direktor donosi Odluku o dodjeli ugovora kao u dispozitivu.

#### PRAVNA POUKA:

Radi zaštite svojih prava, svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i /ili podzakonskih akata može shodno članu 99. i članu 101. stav (1) tačka d) Zakona o javnim nabavkama („Sl. glasnik BiH“ broj: 39/14) izjaviti žalbu ugovornom organu u pisanoj formi u roku od 10 (deset) dana od dana prijema odluke o izboru najpovoljnijeg ponuđača. Žalba se podnosi u dovoljnom broju primjeraka koji ne može biti manji od tri kako bi mogla biti uručena izabranom ponuđaču i drugim strankama u postupku.

Direktor  
Suad Čosić, dipl.ing.rud.



Dostavljeno:  
1x Ponuđači  
1x Komisija  
1x a/a